

乃至滿十地坐道場得金剛三昧於其中間名爲知根斷一切煩惱習得阿耨多羅三藐三菩提一切可知法智慧遍滿故名爲知已根

大智度論卷第二十三

建

廓苦郭盛水成上音
臣反我掉徒弔爭直里憍呾吾各

疲皮索所責殉閻逼彼嗜音苑阮金音糜密卑
滓反側史釀尼凝魚鑿音耘音穫胡蹂治上人
下持音春磨上許容反洮汰排太半炊吹淨惡烏
拊音付合追嘔嗚讒反咸呼廬吾構古候反
鄙卑陵易下音蹠蹠上扶搭六矯居棟丁椽緣直
撓尼

大智度論卷第二十四

建四

龍樹菩薩造
姚秦三藏法師鳩摩羅什譯

釋初品中十力

經舍利弗菩薩摩訶薩欲遍知佛十力四無所畏四無礙智十八不共法大慈大悲當晉行般若波羅蜜論問曰是十力四無所畏等

是佛無上法應當前說何以故先說九想八念等答曰六波羅蜜是菩薩所應用先已說三十七品乃至三無漏根是聲聞法菩薩行是六波羅蜜得力故欲過聲聞辟支佛地亦欲教化向聲聞辟支佛人令入佛道是故呵是小乘法捨一切衆生無所利益若諸聲聞人言汝是凡夫人未斷結使不能行是法是故空訶以是故佛言菩薩應具足三十七品等諸聲聞法不可得故雖行是諸法以不得故爲衆生行邪行故行比正行常不捨是諸法不可得空亦不疾取涅槃證若菩薩不解不行是小乘而但呵者誰當肯信譬言如釋迦牟尼佛若先不行六年苦行而呵言非道者無人信受以是故自行苦行過於餘人成佛道時呵是苦行道人皆信受是故六波羅蜜後次第行聲聞法復次此非但是聲聞法是法中和合不捨衆生意具足一切佛法以不可得空智故名菩薩法問曰若菩薩具足三

十七品諸法者云何不入聲聞法位答曰具足者具足觀知而不取證了了觀知故名具足如佛說

一切畏杖痛 莫不惜壽命 惹已可爲喻杖不加群生

雖言一切畏杖痛無色界衆生無身色界雖

有身而無鞭杖欲界中諸佛轉輪聖王夜摩天已上皆不畏杖楚爲畏得杖處者故言一切具足亦如是不爲求證著法故言具足復次我先說不捨衆生以不可得空智和合故不墮聲聞地問曰從六波羅蜜至三無漏根但言應具足自此以後何以故皆言欲得欲知是事當習行般若波羅蜜答曰聲聞法有量有限故言應具足自此已下是諸佛法甚深無量菩薩未得故言欲得是事當學般若波羅蜜復次聲聞法易解易知故言具足菩薩法佛法難解難知故言當學復次聲聞法總相但知苦知苦因知苦盡知盡苦道譬如

達四

二

范

二種醫一者但知病知病因知差病知差病藥而不知一切病不知一切病因不知一切病差不知一切差病藥或復但知治人病不能治數十種病不悉知四百四種病病因病差差病藥亦如是二者於四種中悉皆遍知遍知藥遍知病聲聞人如小醫不能遍知菩薩摩訶薩如大醫無病不知無藥不識以是故聲聞法應具足菩薩法當學佛十力者是處不是處如實知一力也知衆生過去未來現在諸業諸受知造業處知因緣知果報三力也知諸禪解脫三昧定垢淨分別相如實知三力也知他衆生諸根上下相如實知四力也知他衆生種種欲五力也知世間種種無數性六力也知一切道至處相七力也知種種宿命共相共因緣一世二世乃至百千世劫初劫盡我在彼衆生中如是姓名飲食苦樂壽命長短彼中死是間生是

間死還生是間此間生名姓飲食若樂壽命長短亦如是八力也佛天眼淨過諸天人眼見衆生死時生時端正醜陋若大若小若墮惡道若墮善道如是業因緣受報是諸衆生惡身業成就惡口業成就惡意業成就謗毀聖人邪見邪見業成就是因緣故身壞死時

三拉

入惡道生地獄中是諸衆生善身業成就善口業成就善意業成就不謗聖人正見正見業成就是因緣故身壞死時入善道生天上九力也佛諸漏盡故無漏心解脫無漏智慧解脫現在法中自識知我生已盡持戒已立不作後有盡如實知十力也

問曰是十力菩薩未得聲聞辟支佛所不能得今何以說答曰聲聞人雖不能得若聞是十力功德作是念佛有如是大功德自慶言我等善利蒙益不少得信心清淨入盡苦道諸菩薩者聞之勤修菩薩道當得如是十力等大功德果復次有聲聞人及菩薩修念佛

三昧非但念佛身當念佛種種功德法身應作是念佛一切種一切法能解故名一切智人一切法如實善分別說故名一切見人一切法現前知故名一切知見無礙人等心一切衆生故名大慈悲人有大慈悲故名爲世救如實道來故名爲如來應受一切世間供養故名爲應供人成就不顛倒智慧故名正遍知戒定智慧成就故名明行成不復還故名善逝知世間惱相別相故名世間解善說出世間安隱道故名無上調御師以三種教法度衆生故名天人師一切世間煩惱睡能自覺亦能覺人故名爲覺人一切所願具足故名有德十力成就故名堅誓得四無畏故名人師子得無量甚深智故名大功德海一切記說無礙故名如風一切好醜無憎愛故名如地燒一切結使薪故言如火善斷一切煩惱習故名足解脫最上住處故名爲世尊佛有如是等諸功德故應念佛以是故菩

薩摩訶薩欲得佛十力四無所畏十八不共法當學般若波羅蜜

復次佛在王舍城耆闍崛山中說是般若波羅蜜時佛四部衆及諸外道在家出家諸天龍鬼神等種種大衆集會佛入三昧王三昧放大光明遍照恒河沙等世界地六種震動

建四

說是般若波羅蜜六波羅蜜乃至三無漏根是中有衆生疑有何等力有幾種力故能作如是不可思議感動利益佛知衆生心有如是疑故言我有諸法實相智力是力有十種用是十種智故能作如是感動變化亦能過是所作以是故言欲得十力當學般若波羅蜜復次佛弟子咄咄植善根以少罪緣故願外道諸外道常言佛非寶有功德力是幻術力誑惑人心佛弟子墮外道者心疑若余者佛非大人欲滅是惡謗故言我實有十力四無所畏故度衆生非是幻誑也復次諸菩薩修菩薩道苦行事難辦難成故欲懈息是故

佛言行是十力當得無量果報譬如賈客主慰喻商人言汝等慎勿疲倦精勤努力得至寶山當得七寶如意寶珠佛亦如是安慰諸菩薩言無得疲厭當勤精進修菩薩道行是十力當得無量果報如是等種種利益因緣故說十力等

問曰佛有無量力何以故但說十力答曰諸佛雖有無量力度人因緣故說十力足成辦其事以是處不是處智力分別籌量衆生是可度是不可度以業報智力分別籌量是人業障是人報障是人無障以禪定解脫三昧智力分別籌量是人著味是人不著味以上

建四

下根智力分別籌量衆生智力多少以種種欲智力分別籌量衆生所樂以種種性智力分別籌量衆生深心所趣以一切至處道智力分別籌量衆生解脫門以宿命智力分別衆生先所從來以生死智力分別衆生生處好醜以漏盡智力分別籌量衆生得涅槃佛

用是十種力度脫衆生審諦不錯皆得具足以是故佛雖有無量力但說此十力復次是處不是處力定知從是因緣出是果報是中摠攝九力爲欲度衆生故於初力中分別有九種何以故是世間衆生現前見穀從種出而不能知何況心心數法因緣果報佛於內

外因緣果報了了遍知故名爲力佛知是衆生業煩惱因緣故縛淨禪定三昧解脫因緣故解是一切衆生三世三種諸業諸煩惱輕重深淺鹿細佛悉遍知故名力一切衆生諸禪定解脫三昧大小深淺解脫因緣佛悉遍知故名力衆生鈍根爲後身故作罪福業因

緣利根人爲不生故集諸業佛悉知此上下根好醜相故名力知一切衆生二種欲作上下根因緣二種欲善惡種別異佛悉遍知故名力二種欲由二種性因緣故遍知衆生深心所趣故名力一切衆生種種性因緣故行二種道所謂善道惡道種種門所至處佛

悉遍知故名力過去未來世中因緣果報智慧無礙是名宿命生死智力知過去未來因果已悉知方便壞因緣果報相續是名漏盡力佛知三世中二種因緣分別籌量衆生根欲性爲漏盡故說法是漏盡力問曰何等爲是處不是處力答曰佛知一切諸法因緣果報定相從是因緣生如是果報從是因緣不生如是果報所以者何如多性經中說是處不是處相女身作轉輪聖王無是處何以故一切女人皆屬男子不得自在故女人尚不得轉輪聖王何況作佛若女人得解脫涅槃亦因男子得無有自然得道二轉輪聖王一

建四

六

時出世無是處何以故無惡業成就故二轉輪聖王尚不同世何況二佛惡業得受樂報無是處惡業尚不能得世間樂何況出世樂若惡行生天無是處惡行尚不能得生天何況涅槃五蓋覆心散亂離修七覺而得涅槃無是處五蓋覆心離修七覺尚不能得聲聞

道何況佛道心無覆蓋佛道可得何況聲聞
道如是等是處不是處多性經中佛口自說
諸論議師輩依是佛語更廣說是處不是處
若言佛有闕失罪過若諸賢聖求外道師若
諸賢聖自言我是佛若諸賢聖墮惡道若見
謬所斷結更生若諸賢聖覆藏罪若須陀洹

二十五有皆無是處如賢聖中分別廣說五
逆人五種黃門墮四惡道衆生蠻多羅越人魔
眷屬三障所遮若言得道皆無是處輕說法
者輕法自輕破戒愚癡若言得具足善法無
是處自言我是佛此身口惡不悔欲見佛若
破僧罪不悔欲見佛邪定入正定正定入邪
定正定入不定除佛法別有真得道人應得
道身若死皆無是處除因緣生識出名色更
有法無是處佛遣使事未訖若遮礙無是處
入慈三昧若他因緣死入滅盡定在見諦道
中若死皆無是處若害佛及佛母無是處轉
輪聖王女寶象馬主藏臣主兵臣若在胎中

建四

廿

死母子夭喪皆無是處蠻多羅越人女寶佛
母命終次身入惡道皆無是處有爲常涅槃
無常凡夫人能斷非有想非無想結使一切
取相禪定中修聖道無漏道有漏因若地濕
相水堅相火冷相風住相皆無是處無明不
能生諸行乃至生不能生老死無有是處二

心一時生五識衆能分別取相若著若離能
起身業口業若眠若入禪定無有是處但五
識相續生不生意識但五識衆中著有相續
但五識衆能緣名能緣相能緣無色法能緣
過去未來能緣離三世法但五識衆中有憎
觸明觸修禪定若受善律儀不善律儀若憂
喜鼻識舌識有隱沒無記若有無覺無觀若
增益諸根皆無是處凡夫人第六識離我受
心行無是處如是等無量無是處是處亦如
是佛知是處無是處分別籌量可度者爲說
法不可度者爲作因緣譬喻如良醫知病可治不
可治聲聞辟支佛所知少少故或不應度者

欲度如首羅應度而不度如舍利弗所不度者是佛無是事無能壞無能勝悉遍知故是初力業報智力者身口所作業及此生無作業所受戒業亦惡業日夜隨生業用生罪福業是業佛略說三處攝是名一切業用佛知一切衆生有業過去報亦過去有業過去報

在現在有業過去報在未來有業過去報在過去現在有業過去報在過去未來有業過去報在現在未來有業過去報在過去未來有業現在現在業亦如是復次善心中受善不善無記業報不善心無記心亦如是復次樂業因緣故受樂報苦業因緣故受苦報不苦不樂業因緣故受不苦不樂報現報業因緣故受現報生報業因緣故受生報後報業因緣故受後報不淨業因緣故受惱報淨業因緣故受無惱報雜業因緣故受雜報復次二種業必受報業不必受報業必受報業不可得離或待時待人待處受報如福人應共轉輪

卷四

八

聖王受福待轉輪聖王好出是時乃受是爲待時待人者人即是轉輪聖王待處者轉輪王所出處復次是必受報業不待技能功勳若醜若好不求自來如天上生人福樂自至地獄中人罪苦自追不待因緣此業深重故復次必受報業如毗琉璃軍殺七萬二千諸得道人及無量五戒優婆塞如目連等大神通人所不能救如薄拘羅後母投著火中湯中水中而不死如佛遊諸國雖出家行乞現在現在業亦如是復次樂業不須膳供而五百衆車載王所食業中生梗米隨飯百味羹如是等善惡業必受餘者不必受欲界受三種業報處樂受業苦受業不苦不樂受業色界受二種業報處樂受業不樂受業或待事者依是事得受業報如弗迦羅婆王池中生千葉金色蓮華大如車輪因是大會快樂多人出家得道佛知一切衆生造諸業數或欲界色界無色界欲界在何道

中若天道在何天中若人中在何天下若閻浮提在何國若是國在何城何聚落若是城在何里何巷何舍在何處知是業何時作過去一世二世乃至百千萬世是業果報幾已受幾未受幾必受幾不必受知善不善所用事物所謂刀杖教勑殺等自殺遣人殺諸餘

建四

九

惡業亦如是善業亦如是知如布施持戒修善施中所施何等土地房舍衣服飲食醫藥卧具七寶財物戒中受戒自然戒心生戒口言戒一行戒少分戒多分戒滿分戒一日戒七善道戒十戒具足戒定共戒善福中修初禪二三四禪慈心悲喜捨心如是等業善因緣若憚貪若瞋恚若怖畏若邪見若惡知識等種種惡業因緣福業因緣若信若憐愍若恭敬若禪定若智慧若善知識等種種善業因緣是諸業自在一切天及人是諸業相無能轉者於億千萬世常隨逐衆生不捨如債主隨人得因緣具足便與累報如地中種子

得因緣時節和合便生是業能令衆生六道中受生駛疾於箭一切衆生皆有諸業報分如父母遺財諸子皆應得分是業果報時到不可遮止如劫盡火隨衆生應生處處安置如大國王隨其所應而與官職人命終時是業來蔭覆其心如大山映物是業能與種種身如工畫師作種種像若人以正行御業善法將養則與好報若以邪行御業不善將養則與惡報如人事王隨事得報如是等分別諸業相果報復次如分別業經中佛告阿難行惡人好處生行善人惡處生阿難言是事云何佛言惡人今世罪業未熟宿世善業已熟以是因緣故今雖爲惡而生好處或臨死時善心心數法生是因緣故亦生好處行善人生惡處者今出善未熟過世惡已熟以是因緣故今雖爲善而生惡處或臨死時不善心數法生是因緣故亦生惡處問曰熟不熟義可余臨死時少許時心云何能勝終身行

力答曰是心雖時頃少而心力猛利如火如
毒雖少能成大事是垂死時心決定猛健故
勝百歲行力是後心名爲大心以捨身及諸
根事急故如人入陣不惜身命名爲健如阿
羅漢捨是身著故得阿羅漢如是等種種罪
福業報轉報亦應如是知聲聞人但知惡業
建四

造

罪報善業福報不能如是細分別佛悉遍知
是業及業報智慧勢力無礙無盡無能壞故
是名第二力

禪定解脫三昧淨垢分別智力者禪名四禪佛
知是禪佐助道法名相義分次第熏脩有漏
無漏學無學淨垢味不味深淺分別等八解

禪定爲失故是禪爲住故是禪爲增益故是
禪爲達到涅槃故復次佛知是人難入定難
出定易入易出易入難出難入易出佛知是
人應得如是禪知是人失禪受五欲知是人
受五欲已還得禪依是禪得阿羅漢如是等
一切諸禪定解脫即是三昧是禪定佛以甚
建四

造

深智慧盡知無能壞無能勝是名第三力

脫攝一切定禪波羅蜜即是諸解脫禪定解
脫三昧皆名爲定定名爲心不散亂垢名愛
見慢等諸煩惱淨名真禪定不雜愛見慢等
煩惱如真金分別名諸定中有一心行不一
心行常行不常行難入易入難出易出別取

知衆生上下根智力者佛知衆生是利根鈍
根中根利智名爲上鈍智名爲下佛用是上
下根智力分別一切衆生是利根是中根是
鈍根是人如是根今世但能得初果更不能
得餘是人但能得第二第三第四果是人但

相抱取相轉治不轉治轉治如姪欲中慈心
瞋人不淨觀恩癡思惟邊無邊掉戲心中用
智慧分別諸法沒心中欲攝心若不余者名
不轉治是定中應分別時及住處若身瘦羸
是非行定時如菩薩苦行時作是念我今不
能生禪定若多人處亦非定處復次佛知是

能得初禪是人但能得第二第三第四禪乃至滅盡定亦如是是人當作時解脫證是人當作不時解脫證是人能得於聲聞中第一是人能得於辟支佛中第一是人具足六波羅蜜能得阿耨多羅三藐三菩提如是知已或爲略說得度或爲廣說得度或爲略廣說

得度或以軟語教或以苦語教或以軟苦語教佛亦分別是人有餘根應令增生信根是人應令生精進念定慧根是人用信根入正位是人用慧根入正位是人利根爲結使所遮如鷲群梨摩羅等是人利根不爲結使所遮如舍利弗目連等知根雖鈍而無遮如周利般陀仰有根鈍而遮者知是人見諦所斷根鈍思惟所斷根利思惟所斷鈍見諦所斷利是人一切根同鈍同利是人一切根不同鈍不同利是人先因力大是人今緣力大是人欲縛而得解是人欲解而得縛譬如鷲群梨摩羅欲殺母害佛而得解脫如一比丘得

四禪增上慢故還入地獄知是人心墮惡道是人難出是人易出是人疾出是人久乃出如是等一切衆生上下根相皆悉遍知無能壞無能勝是第四力

知衆生種種欲智力者欲名信喜好樂好五欲如孫陀羅難陀等好名聞如提婆達等好施如陀跋羅佛姑甘露也好頭陀遠離如摩訶迦葉好坐禪如隸跋多等好智慧如舍利弗等好多聞如阿難等好知毗尼如優波離等如是佛弟子各各有所好凡夫人亦各各有所好

建正

土一

范

喜或有喜婬欲或有喜瞋恚復次佛知是人多欲多瞋多癡問曰何等是多婬多瞋多癡相答曰如禪經中說三毒相是中應廣說知如是相已多婬欲人不淨法門治多瞋人慈心法門治多癡人因緣法門治如是隨所欲說法所謂善欲隨心爲說如船順流惡欲

以苦切語教如以楣出楣是欲智中佛悉遍知無能壞無能勝是名第五力

性智力者佛知世間種種別異性性名積習相從性生欲隨性作行或時從欲爲性習欲成性性名染心爲事欲名闡緣起是爲欲性分別世間種種別異者各各性多性無量不可數是名世間別異有二種世間世界世間

衆生世間此中但說衆生世間佛知衆生如是性如是欲從是處來成就善根不善根可度不可度定不定必不必行何行生何願在何地復次佛知是衆生種種性相所謂隨所趣向如是偏多如是貴如是染心事如是欲如是業如是行如是煩惱如是礼法如是定如是威儀如是知如是見如是憶想分別如所結使生余所結使未生隨所著生欲隨欲染心隨染心趣向隨趣向貴重隨貴重常覺觀隨覺觀爲戲論隨戲論常念隨念發行隨發行作業隨作業果報復次佛用是種種性

智力知是衆生可度是不可度是今世可度是後世可度是即時可度是異時可度是現前可度是眼不見可度是人佛能度是人聲聞能度是人共可度是人必可度是人必不可度是人略說可度是人廣說可度是人略廣說可度是人讚嘆可度是人折伏可度是人將迎可度是人棄捨可度是人細法可度是人麁法可度是人苦切可度是人輕語可度是人苦輕可度是邪見是正見是著過去是著未來是著斷滅是著常是著有見是著無見是欲生是獸生是求富貴樂是著厚邪見是說無因無緣是說邪因緣是說正因緣是說無作業是說邪作業是說正作業是說不求是說邪求是說正求是貴我是貴五欲是貴得利是貴飲食是貴說戲樂事是樂衆是樂憒鬧是樂遠離是多行愛是多行見是好信是好慧是應守護是應捨是貴持戒是貴禪定是貴智慧是易悟是講說乃悟是可

引導是句句解是利根是鈍根是中根是易出易拔是難出難拔是畏罪是重罪是畏生死是不畏生死是多欲是多瞋是多癡是多欲瞋是多欲癡是多瞋癡是多欲瞋癡是薄煩惱是厚煩惱是少垢是多垢是覆慧是畧慧是廣慧是人善知五陰相十二入十八界

十二因緣是處非是處苦集滅道善知入定出定住定復次佛知是欲界衆生是色界是無色界衆生是地獄畜生餓鬼人天是卵生胎生濕生化生是有色是無色是有想是無想是短命是長命是但凡夫人未離欲是凡夫人離下地欲未離禪欲如是乃至非有想非無想是向道是得果是辟支佛是諸佛如是等種種分別五道四生三聚假名衆入界善根不善根諸結使地業果是可度是不可度滅智分別以如是等分別知世間種種別異性得無礙解脫如是等種種別異佛悉遍知無能壞無能勝是名第六力

建四

十四

一切至處道智力者有人言業即是道所以者何業因緣故遍行五道有業能斷業能有所至所謂三聖道分及無漏思以是故諸業是一切至處道復次有人言五分五智三昧住一切處利益事辦復有人言第四禪即是何以故第四禪一切諸定至處如諸經中說是善心定心不亂心攝心皆入第四禪中復次有人言如身念處即是至處道是諸道利益之本復有言一切聖道是用是聖道得隨意利益復有論者言一切善道一切惡道一切聖道各各知諸道至處如毛堅經中說佛悉遍知無能壞無能勝是名第七力

宿命智力者宿命有三種有通有明有力凡是等種種分別五道四生三聚假名衆入夫人但有通聲聞人亦通亦明佛亦通亦明亦力所以者何凡夫人但知宿命所經不知業因緣相續以是故凡夫人但有通無有明聲聞人知集諦故了了知業因緣相續生以是故聲聞人亦有通亦有明若佛弟子先凡

夫人時得宿命智入見諦道中知集因緣第
八無漏心得斷見故故通變爲明所以者何
明名見根本若佛弟子先得聖道後宿命智
生亦知集因緣力故通變爲明問曰若佛本
爲菩薩時先得宿命智諸菩薩離無所有處
煩惱後入聖道故云何佛說我初夜得初明

建四

十五

答曰是時非明若佛在衆中說我彼時得是
明示衆人言是明初夜得譬如國王未作王
時生子後作王時人間王子何時生答言王
子某時生是生時未作王以今是王故以彼爲
王子言王子彼時生佛亦如是宿命智生余時
未是明但名通後夜時知集因緣故通變爲
明後在衆中說言我初夜時得是明問曰通
明義如是云何爲力答曰佛用是明知己身
及衆生無量無邊世中宿命因緣所更種種
悉遍知是爲力是名第八力

生死智力者佛用天眼見衆生生死處凡夫
人用是天眼極多見四天下聲聞人極多傍
衆生生死所趣無能壞無能勝是名第九力

見小千世界上下亦遍見問曰大梵王亦能
見千世界有何等異答曰大梵王自於千世
界中立則遍見若在邊立則不見餘處聲聞
人則不然在所住處常見千世界辟支佛見
百千世界諸佛見無量無邊諸世界凡夫人
天眼智是通而非明亦如是但見所有事不

能見隨業因緣受生如宿命中說復次得天
眼人中最第一者阿泥盧豆色界四大造色
半頭清淨是天眼佛天眼四大造色遍頭清
淨是爲差別復次聲聞人所住於三昧中得
天眼即所住三昧中能見若有覺有觀三昧
若無覺有觀三昧若無覺無觀三昧佛隨所

入三昧中住欲見盡見若依無覺無觀三昧
中得天眼入有覺有觀三昧若無覺有觀三
昧中亦能見復次聲聞人用是天眼見時所
住三昧中心入餘三昧天眼則滅佛則不
心雖入餘三昧天眼不滅是智慧遍知一切

漏盡智力者問曰九力智慧分別有差別漏盡則同一一切聲聞辟支佛有何等異答曰雖漏盡是同智慧分別大差別聲聞極大力思惟所斷結生分住分滅分三時斷佛則不余一生分時盡斷聲聞人見諦所斷結使生時斷思惟所斷三時滅佛則見諦所斷思惟所

建四

十六

斷無異聲聞人初入聖道時入時與達時異佛則一心中亦入亦達一心中得一切智一心中壞一切障一心中得一切佛法復次諸聲聞人有二種解脫煩惱解脫少障解脫佛有一切煩惱解脫亦有一切法障解脫佛自然得智慧諸聲聞人隨教道行得復有人言若佛以智慧斷一切衆生煩惱其智亦不耗不減譬如熱鐵丸著少綿上雖燒此綿而火熱勢不減佛智慧亦如是燒一切煩惱智力亦不減復次聲聞但知自盡漏諸佛自知盡漏亦知盡他人漏如淨經中說復次佛獨知衆生心中分別有九十八使一百九十六纏

除佛無有知者佛亦獨知苦法智苦比智中斷爾所結使性乃至道比智亦如是思惟所斷九解脫道中亦尔佛悉遍知一切衆生如是事聲聞若少知少說皆隨佛語如是漏盡智慧力勢無能壞無能勝是名第十力問曰是十力何者最勝答曰各各於自事中

大如水能漬火能燒各自有力有人言初力爲大能攝十力故或言漏盡力大事辦得涅槃故論者言是十力皆以無礙解脫爲根本無礙解脫爲增上問曰若是十力獨是佛事弟子今世無人能得佛何以故說答曰斷人十力中疑故無智人今心決定堅牢故令四

建四

十七

衆歡喜言我等大師獨有如是力不與一切衆生共又諸外道輩言橋曇氏沙門常寂靜處住智慧縮沒以是故發至誠言我十種智力四無所畏安立具足在大衆中說真智慧教化衆生如師子吼轉梵輪一切外道及天世人無能轉者爲止是謗故說是十力問曰

好人法一事智慧尚不應自讚何況無我無所著人而自讚十力如說

自讚自毀讚他毀他如是四種智者不行答曰佛雖無我無所著有無量力大悲爲度衆生故但說十力不爲自讚譬如好賈客導師見諸惡賊誑諸賈客示以非道導師愍念

故語諸賈客我是實語人汝莫隨詐惑者又如諸弊醫等誑諸病人良醫愍之語衆病者我有良藥能除汝病莫信欺誑以自苦困復次佛功德深遠若佛不自說無有知者爲衆生所說所益甚多以是故佛自說是十力復次有可度者必應爲說所應說中次第應說

十力若不說彼不得度是故自說譬如日月出時不作是念我照天下當有名稱日月既出必自有名佛亦如是不自念爲有名稱故自說功德佛清淨語言說法光明破衆生愚闇自然有大名稱以是故佛自說十力等諸功德無有失力名能有所辦用是十種力增

益智慧故能破論議師用是十種力增益智慧故能好說法用是十種力增益智慧故能權伏不順用是十種力增益智慧故於諸法中得自在如大國主於臣民大衆中得自在是爲以聲聞法略說十力義

十八末

大智度論卷第二十四 建四

穀音谷 天於小反 技能上渠反 謄殃下時反 傷死使二俱
掉戲上徒反 衣械下古反 捜閑先結反 慘閑上俱
清疾音疾反 縮所六反 賈客上音縗栗反 帝

大智度論卷第二十五

建

龍樹菩薩造

姚秦三藏法師鳩摩羅什譯

釋初品中四無畏

下說四無礙智

四無所畏者佛作誠言我是一切正智人若有沙門婆羅門若天若魔若梵若復餘衆如實言是法不知乃至不見是微畏相以是故